

東

華

錄

東華錄卷之十一

湘源蔣良騏千之父

康熙十四年正月耿精忠將黎化中與吳三桂之婿郭壯圖合兵犯連州官兵擊却之 命將軍阿密達等帥師赴蘭州討王輔臣 直隸巡撫金世德疏言直隸事務殷繁長蘆鹽政巡撫勢難兼顧請仍差御史專理下部議行又請調分防吳橋縣安陵東沅東光縣大龍灣沅兵千把總各一馬兵四十步兵百三十防緝嚴鎮羊兒莊等處私鹽從之 乙酉興安兵變殺總兵王懷忠 復永康緝獲二

縣 二月下詔切責貝勒董額等以王輔臣之亂起繼失
機致廣元朝天諸關已克復者復爲三桂所據飭令速定
平涼秦州分兵以通棧道 以鄂泰爲建威將軍統盛京
兵駐太原 復上高新昌二縣 精忠將沙有祥踞桃花
嶺康親王遣副都統馬哈達等擊破之復處州 詔秦中
官弁兵民倉卒降賊者悉赦不問 精忠將自處州遁走
仙居副都統穆赫林等大敗之于白水洋復仙居縣 賊
陷蘭州巡撫花善奔涼州 以佛尼勤爲安西將軍 西
寧總兵王進寶大破王輔臣之衆于新城進圍蘭州遂復

涇州及龍泉縣 貝勒董額敗王輔臣之衆于隴州復闕
山關 三月叛將楊來嘉犯南漳總兵劉成龍敗之 改
佛尼勒爲振武將軍援漢中 大將軍董額率師圍秦州
命畢力克圖爲平逆將軍率師赴大同討王輔臣 以
甘肅提督張勇爲靖逆將軍加總兵孫思克左都統王進
寶都督同知討王輔臣 王輔臣陷定邊城 以總兵陳
福爲陝西提督仍駐寧夏討賊 以花馬池靖邊衛相繼
陷賊命總督鄂善等率師赴榆林調四子部落兵入邊
察哈爾布爾尼叛以多羅信郡王鄂札爲撫遠大將軍大

學士圖海爲副將軍討平之 四月署護軍統領卽肅等
勦湖寇於五桂寨斬二萬餘級復餘于縣 王進寶敗輔
臣之衆于蘭州 復萬年縣 復簾縣 復安仁縣 四
川平涼賊衆合攻秦州官兵迎擊屢敗之 王進寶平臨
洮府孫思克復靖邊衛 察哈爾兵至鄜西溪而潰 以
內大臣佟國綱爲安北將軍鎮宣府 陝西官兵復寧州
遊擊李師膺叛殺韓城令犯邵陽官兵擊走之 以旱
命大臣理刑獄 叛將楊來嘉洪福犯南障尋陷穀城以
貝勒察尼爲靖寇將軍統襄陽兵援穀城 命將軍

畢力克圖帥師援榆林副都統祝哈塔鎮大同以吳丹爲

建威將軍鎮太原詔內大臣佟國綱還賊陷迤安綏

德提督張勇復洮河二州閏五月以張勇節制全秦

軍務陝西提督陳福遣兵衛後惠安韋州安定三堡遂合

蒙古諸部兵圍賊于花馬池大兵圍蘭州王進寶等大

敗賊于東門三桂將犯荊州詔責順承郡王前失機

宜飭附近官兵馳援荊州榆林官兵復隴州樂平賊

復陷饒州復松陽縣將軍額楚復廣信府廣西寧

兵敗孫延齡之眾于蒼梧王輔臣屢敗由蘭州將吳國

出主進賓分路邀擊大敗之

等縣皆復 將軍希爾根敗賊

將軍畢力克圖復吳堡縣 官

口賊將朱龍遁遂復綏德州

恕援廣東 閔中賊遁命振武

道以援漢中分兵守隴州仙逸

于鞏昌遂復鞏昌府城 江西

統雅賴死之 克蘭州 畢力

州府平 七月楊來嘉復犯南

克察州禮清水伏寇西和

于餘于復饒州府 六月

兵敗輔臣之眾于虎爾巖

命江西前鋒統領覺羅舒

將軍佛尼勒等率師開棧

閔 張勇敗王輔臣之眾

官兵取石峽失利署副都

克圖追賊至宜州敗之延

漳都統宜理布等大敗之

陳福勦定邊縣擒斬賊將朱龍興安遊擊王可成等

復叛 詔太原將軍吳丹分兵寸潼關 江西官兵復浮

梁樂平宜黃崇仁樂安諸縣 八月董額畢力克圖阿密

達諸軍會攻王輔臣于平涼屢敗之陣斬賊將郝天祥

貝子傅喇塔等敗耿精忠之眾于牛山嶺進攻黃岩偽將

曾養性遁走温州遂復黃岩城 九月江西官兵復靖安

縣 董額再疏請赦王輔臣

上不許 十月浙江官兵進取温州復太平樂清青田六

荆盤石等縣衛 陝西官兵乃王輔臣戰于固原失利創

將木必圖死之提督陳福退保邕州 十一月海寇鄭

陷彰州海澄公黃芳度關門死之 大軍自仙居趨黃岩

至牛山嶺僞都督劉秉仁糾眾萬餘拒侍衛邁圖偕副都

統吉勒塔布等奮擊斬賊二千餘 貝勒察尼敗三桂之

眾于興山縣復其城 復設增事府官屬 福建巡撫楊

熙及尙之信攻克解水關復水定縣 叛賊馬雄等犯高

州雷廉潮俱失守 命簡親王喇布援廣東 江西兵復

浮梁貴溪等縣 十二月立皇子允初爲皇太子 詔書

切責順承郡王師久無功 泰賚巴爾布等並落職自劾

寧夏兵變提督陳福死之 王進寶佛尼勒張勇敗王輔
臣之眾于河西 海寇復犯温州水師提督常進功總兵
朱萬化自定海關出洋勦禦連破賊眾于沈家門等處
康熙十五年正月甲午

上以建儲加上

太皇太后徽號曰昭聖慈壽恭簡安懿章慶敦惠溫莊康
和仁宣太皇太后

皇太后徽號曰仁憲恪順誠惠經淑皇太后 頒詔加恩
中外 耿逆僞官汪飛龍等一百五十餘員就撫 二月

詔大將軍勒爾錦宣諭軍中凡恢復城池後毋殺掠以
都統大學士圖海爲撫遠大將軍征王輔臣貝勒董額以
下俱聽節制 叛將吳之茂自四川逼犂昌命張勇還犂
昌禦之 復以畢力克圖爲平逆將軍鎮寧夏 詔康熙
親王進師福建貝勒尙善等進師岳州 吳三桂僞將高
大傑陷吉安 安親王岳樂復萍鄉縣三桂將夏國相遁
三月王進寶佛尼勒大敗吳之茂于北山口擒賊將徐
大仁 康親王遣固山貝子傅喇塔等圍温州僞將曾養
性祖宏勳悉眾來犯副都統紀爾他布等擊敗之 岳州

水師克君山 襄陽官兵敗吳三桂偽將王會于靈機寨

順承郡王勒爾錦渡漢江遣前鋒叅領瓜爾察敗三桂之眾于女村又敗之于石首縣 勒爾錦擊三桂之眾于

太平街失利退保荊州 四月賊犯廣東提督嚴自明總

兵苗之秀副將王啟秀叛尙之信陰通賊首迫其父可喜

第爲亂 鎮南將軍覺羅舒恕等引還 副都統莽依圖

自肇慶突圍出總督金光祖巡撫佟養鉅陳洪明俱降賊

上諭廣東變亂兩江可虞宜益兵守江南分駐京口禦賊

並應援江西 王輔臣之眾踞龍駒砦斷商南路知縣盧

英死之命吳丹席卜臣等會哈占勦賊 鄖陽官兵擊叛
將譚宏洪福等于坪溝諸處連敗之 五月精忠將馮公
輔等陷宣平党喀里擊走之 圖海敗王輔臣于平涼
六月王輔臣乞降詔撫之 王輔臣復引川寇犯通渭王
進寶擊敗之復靜寧州 圖海奉詔招諭王輔臣輔臣率
眾降

上赦其罪假靖寇將軍立功贖罪 賊將耿繼善及建昌
新城賊燒營遁

上諭康親王等曰精忠檄建昌諸兵其爲海寇所逼無疑

我師宜乘機遽進 七月江西官兵復金谿縣 振武將
軍佛尼勒提督張勇王進寶會勦吳之茂等于秦州樂名
賊衆宵遁 八月將軍穆占進師樂名復禮縣 精忠將
馬九玉等據衢州康親王遣都統賴塔等敗之復江山縣
九玉奔營遁 九月康親王遣胡圖等追擊馬九玉破之
復常山縣 賴塔馬哈達等進攻仙霞關賊將金應隆遂
復浦城縣 湖廣官兵破洪福于芝河 賊陷湖廣醴陵
張勇克階州 福建總督范承謨爲精忠所害 命
占佩征南將軍印統陝西河南諸軍赴湖廣討吳三桂

賴塔紀尔他布等克捷陽遂下建寧府 十月河決修
命工部尚書興如錫戶部侍郎伊桑阿閱視 康熙壬子
師抵延平偽將軍耿繼美以城降精忠大懼遣使赴延平
獻偽印并遣其子耿顯祚來迎王師至福州精忠率偽官
出城降

上命還精忠爵如故仍率所部兵從征海寇自効 浙江
官兵復徧處二州 十一月海寇鄭錦遣其將許耀以賊
二萬逼福州連營烏龍江康親王遣都統喇哈達等渡江
奮擊克賊營追奔四十里進兵規復興泉汀漳四郡 安

親王岳樂圍長沙不下 官兵敗賊于信豐復定南大和

一縣以

孝陵瑞昌山升遵化縣爲州 耿繼善犯南豐副都統雅

泰總兵許貞擊敗之 十二月勅淮陽潁河植柳以備王

叛賊嚴目明郭義等犯南康連兵十七營將軍費羅舒

恕江西巡撫佟國楨等擊走之自明等退據南安 尙之

信使人詣行營乞降簡親王以聞 詔赦其罪令立功自

効 吳三桂殺孫延齡以其眾隸練國安 官兵復上猶

縣 建威將軍吳丹畧地華商 副都統穆舒渾敗賊于

峻嶺 復山陽縣 蔡明等以廣信府來歸 賊將耿繼
善奔邵武府道海賊乘隙據其城犯延平副都統穆赫
敗之偽將軍彭世勳以邵武府城降

康熙十六年正月將軍額駙等攻吉安失利命侍郎班迪
至軍察將士罪狀 官兵復會昌新城汀州興化泰寧建
寧長汀寧化清流歸化連城諸郡縣 二月克泉州府

增置岳州水師營 閩賊林惟仁踞周公源口官兵討平
之 以都統鄂內爲討逆將軍率師赴岳州討吳三桂

官兵敗鄭錦于新泉縣賊奔漳州遁遂復海澄等十縣福

建平 江西官兵復瑞金鉛山二縣 三月命康親王移
師取潮州以莽依圖爲鎮南將軍帥師會勦廣東副都統
額赫納穆承格叅贊軍務侍郎覺羅舒恕留鎮贛州 劉
進忠苗之秀詣康親王軍前乞降 詔赦其罪並以原官
從大兵征討尋授進忠討逆將軍 賊將韓大任奔吉安
遁師入其城 以簡親王喇布師久無功自大將軍以下
降請有差更命都統貝勒護軍統領哈克山副都統布舒
庫往贊軍務 甲辰會集星期宴見 吳三桂聚衆等處
沙

上命順承郡王勒爾錦進軍臨江圖海悅漢中以分賊勢
命簡親王偕多諾鎮吉安莽依圖率師赴韶州額楚駐
袁州侍郎覺羅舒恕防贛州官兵復樂安縣 四月詔
趣圖海進兵逼四川 提督趙賴敗三桂之衆于太和擒
賊將蕭元 吳三桂率衆赴衡州命簡親王偕侍郎覺羅
舒恕總督董衛國總兵折爾肯等分兵禦之 辛未
御製大德景福頌書屏進

太皇太后 莽依圖師至南安嚴自明以城降遂克南雄
抵韶州傅宏烈迎降 五月尙之信以廣東降 以傅宏

烈巡撫廣西 官兵復崇仁縣 先是撫遠大將軍圖海
疏言馬雄陷賊其母及族人俱在固原今雄母欲令其孫
承先持書赴廣西招降詔給承先遊擊銜遣赴廣西旋命
督捕理事官麻勒吉賁勅赴簡親王喇布軍前

上諭馬雄曰尔世受國恩鎮守西粵勤勞素著自吳三桂
孫延齡相繼背叛整兵防禦力保孤城邀執僞差矢心報
國之忠貞朕久洞悉後緣賊氛逼近援絕勢卑當力難持
守之時爲暫尔自全之計茲各路大兵勦撫並用每念粵
西變叛各官陷賊自拔無由以尔據忠有素追念前勞尤

深軫惻今特頒專勅宜諭尔等果翻然悔悟棄逆効順將
尔已往之罪並所屬官兵悉行赦免若詔勦寇立功仍加
恩優敘尔其無懷疑懼以負朕篤念勲舊至意 海賊踞

丹山水師提督常進功出定海偵擊大破賊于螺頭門旋

齒魯朱家尖等處斬獲無算 諭部從優議敘 六月尙

可喜率於軍以其子之信襲封平南親王 劉進忠以潮

州降 以覺羅舒恕爲安南將軍 祖澤清降高雷廉三

府悉定 七月詔穆占帥師赴茶陵與簡親王協取衡州

永州 授傅宏烈撫壘滅寇將軍與尙之信定廣西 鄭

錦僞將劉國軒自惠州犯東莞將趨廣州尙之信大敗之
賊將陳璉以惠州降 八月朱統錫復犯江西陷貴溪盧
溪諸縣命董衛國討之 三桂分兵犯韶州桂林 詔安
親王岳樂將軍穆占等相機勦賊 立妃鈕祜祿氏爲皇
后冊佟氏爲貴妃頒詔天下 官兵復梧州府 命和碩
額駙華善等率師濟簡親王軍 三桂將胡國柱馬寶冠
韶州莽依圖額楚夾擊破之賊敗走帽峯山 國柱等奔
帽峯山遁官兵追擊之走樂昌遂復仁化縣 十月傅宏
烈遣將敗三桂于昭平復潯州府 福建按察使吳興祚

敗朱統錕于光澤執之木始設南書房備侍講學士張英
中書高士奇等入直以備顧問 廣西官兵復鬱林州及
南平等縣 十一月賊韓大任踞萬安縣之梁口以應三
桂命簡親王發兵與護軍統領哈克山等勦之 官兵復
茶陵攸縣 十二月海寇犯泉州副都統楊鳳翔提督段
應舉敗之 海寇犯欽州遊擊劉士貴擊敗之 賊將馬
寶率眾赴衡州令尙之信趨韶州會合貝勒額楚取宜章
郴州等州縣 金星晝見 官兵克復萍鄉鄱縣等處
康熙十七年正月廣東官兵執三桂僞官董重民等獻京

証

上赦之 江西官兵敗韓大任於鷓鴣寨賊遁走汀州

詔舉博學鴻詞 官兵復永寧縣 二月金光祖自潯進

失利命將軍額楚都統貝勒等帥師戍梧州覺羅舒恕守

南雄控韶州時三桂悉驍騎犯廣西傅宏烈馳書告急

上命莽依圖爲總統貝勒額楚恭贊軍務與傅宏烈合兵

討賊 詔簡親王移師取湖南 鄭錦犯泉州恭將朱起

龍敗之 韓大任率所部降詔赴京師 丁卯

皇后鈕祜祿氏崩 莽依圖與吳三桂戰于平樂失利莽

依圖退保中山鎮

上命尙之信與都統馬九玉帥師會鎮南將軍莽依圖等
并力破賊 二月湖廣官兵敗楊洪于房縣復其城 鄭
錦寇石碼副都統孟安副將楊壯猷敗之 祖澤清復叛
命將軍張勇移師駐甘州防守三邊 閏二月黃芳世
敗山賊蔡寅于天寶山斬賊將楊寧 移福建濱海界外
百姓于內地禁出海交通新移之民悉免其徭賦 賊蔡
寅犯安溪知縣李鈺等擊走之 噶爾丹興兵攻西海飭
備邊防 廣西官兵復北流縣 冊諡

大行皇后曰孝昭皇后 三桂僞將軍林興珠詣安親王
軍降詔封列侯授建又將軍畱千軍前勦賊 副都統甘
度海何進泰以失機逮繫建昌 陝西官兵敗賊于秦嶺
復潼關堡 四月副都統穆赫林提督黃芳世與蔡寅戰
于灣腰樹失利賊陷平和遂進逼潮州會副都統雅塔里
率師會剿 叛將祖澤清結連山海諸寇犯電白詔尙之
信將兵擊之 尙之信帥師大破祖澤清于高城州賊奔
城遁 慶陽賊袁本秀附三桂爲亂大將軍圖海遣兵擊
斬之 廣西官兵復郴州桂陽興寧宜章臨武藍山諸縣

五月鄭錦攻潮州馬三奇等敗之 鄭錦圍海澄總兵
黃藍告急命將軍賴塔帥師赴援二厄魯特濟農爲噶爾
丹所敗闌入內地詔張勇逐出邊 六月移尙之信鎮潮
州 湖廣兵敗三桂舟師于君山 賊陷海澄署前鋒統
領希福陣亡 穆赫林反提督段應舉并家屬俱自縊
以旱求直言

上步禱天壇是日大雨 三桂寇永興都統伯宜理布護
軍統領哈克山與戰夫利死之賊遂據河外營 鄭錦圍
廉州總兵班紹明未思徵擊走之命將軍阿密達等守南

昌府 三桂率諸賊力攻郴州前鋒統領碩岱與戰失利
退保永興 七月命額駙華善佩將軍印守永興 海寇
犯泉州詔副都統岳爾多馬思文率師赴援 詔修高家
堰 副都統雅塔理棄同安賊遂圍泉州紀爾他布石調
聲退保興化 惠安陷詔岳爾多等帥師救之 命提督
侯襲爵總兵馬三奇守潮州 河決蕭碭 三桂寇永興
命將軍穆占赴援 官兵敗三桂之衆于岳陽湖 討逆
將軍鄂內敗三桂之衆于柳林嘴 官兵復平和 八月
尙善薨于軍命多羅貝勒察尼代之 命都統王國棟率

師援宜都

乙未吳三桂死賊將馬寶胡國柱等三桂本

孫吳世璠於雲南初三桂病中風噎膈有大聲其衆面坐

因病甚口不能張且下痢於本月十七日遂死 官軍屢

敗賊眾永興圍解 命簡親王進師衡州 貝勒塞尼等

進取岳州 甘肅提督張勇疏言臣與提督孫思克等密

探噶爾丹情形噶爾丹居西北金山距嘉峪關兩月程卽

古大宛國也今歲二月內自其地起兵不知何向臣復遣

人至墨爾根台吉所審視之眾皆安居寂然得 旨加意

防守 行康熙永年歷 九月官兵敗海賊于蜈蚣山劉

國軒遁泉州圍解 十月

上巡視北邊 賊將吳應騏遣杜輝巴養元姜義帥水軍
犯陸石口將軍鄂內擊敗之 官兵復同安縣 丁酉
世宗憲皇帝生

上之第四子也母曰吳雅氏

十一月副都統金榜選平雷州土寇復徐聞縣 簡親王
移師進取郴州 十二月廣西賊陷藤縣逼梧州 二十
五日陝西道監察御史臣成其範謹題爲星占之譴可惡
捷音之來伊迩請勅令軍士應期征勦以奏蕩平事臣

維天道至微而難覩非萬學所可輕議臣以愚陋書生何敢妄說但事有關軍國大計不敢不據實爲我皇上一一陳之臣謹按立星之占驗往往不爽惟熒惑一星其應尤速此司馬遷所以謂天子必視熒惑所在也天文志曰熒惑行無常出則有兵入則兵敗各以其舍命國爲亂爲賊爲疾爲喪爲飢爲民所居國受殃天官書曰熒惑及道二舍以上居之三月有殃殃還至雖大當小久而至當小反大今年十一月十五日火星退度其在柳土者無可占驗也惟自十二月十八日火星退鬼金之宿二十二日火星

退井木之宿自三十一度起直至十八年正月初九日退
至二十五度而留至正月十七日而夕遲夫翼鬼之分
野貴州平越府是也井木三十一度至二十五度之分野
雲南大理武定姚安等府是也據星占而論論其時則自
十二月十八日起至正月十七日止論其地則自貴州平
越府起至雲南八府止此內當主賊兵相殘害一月之內
端倪必見五月之內消滅無餘此必至之應也說者曰火
星退度亦有未必盡應者臣以爲火星退在四水宿則不
應蓋水能尅火火固不能爲厲也火星退在四土宿則亦

不應蓋火土相生火亦不能爲厲也至于火逢木則愈熾況火旺南方應辨皆
能煨金火退井木則火逢木而愈熾況火旺南方應辨皆
南方之宿也雲貴皆南方之地也反道正居其野則熾冠
之滅亡所必然耳臣不知彼地之情形亦不知兵家之進
退但以星氣之古驗其理如此請勅軍士速應星象以圖
剪滅則蕩平指日可期矣如果臣言不謬伏乞睿鑒施行
奉

旨知道了該部知道

康熙十八年正月賊將陷德興進逼樂平 以萬正色爲

水師提督 貝勒察尼等圍岳州賊將吳應麒奔城遁遂

復岳州 十八日劉國軒犯長泰副都統紀爾他布巡撫

吳興祚等敗之

紅本

姚啟聖疏言鄭錦以台灣爲穴必

不降招撫無益其僞武平侯劉國軒爲賊渠魁請赦罪許

授公爵並赦僞將軍吳淑罪許授侯爵若二人解體投誠

則錦勢孤海寇可立滅報聞 賊棄長沙遁師復其城

二月吳世琮犯梧州傅宏烈等敗之賊棄營遁 寧南大

將軍勒爾錦帥師渡江次元始前軍分路進取松滋枝江

宜都澧州屯兵百里洲賊將洪福帥舟師降 簡親王璉

前鋒統領希福等取衡州賊將胡國柱夏國相遁

尼會順承郡王勒爾錦取常德沅州鎮遠並議進剿

事宜改桑峨雲南提督趙賴貴州提督起前雲南巡撫

天洛原官以楊雍建巡撫貴州周有德總督雲貴並隨大

軍進討官兵復常德府官兵復岳州及湘陰華容石

門湘潭桃源安鄉諸縣三月丙申朔試博學鴻詞授彭

孫通等五十人翰林官有差

按召試一等彭孫通編修倪燦檢討張烈編修汪霽編

修喬萊編修王頊齡編修李因篤檢討秦松齡檢討周

清原檢討陳維崧檢討徐嘉爰檢討陸棻編修馮景檢
討錢中諧編修汪楫檢討袁祐編修朱彝尊檢討湯斌
侍講汪琬編修邵家隨檢討二等李來泰侍講潘來檢
討沈珩編修施閏章侍講米漢雯編修黃與堅編修左
鎧編修徐凱檢討沈筠編修周慶曾編修尤侗檢討范
必英檢討崔嘉岳檢討張鴻烈檢討方象英編修李澄
中檢討吳元龍侍讀龐塏檢討毛奇齡檢討金甫編修
吳任臣檢討陳鴻績檢討曹宜溥檢討毛昺芳檢討曹
未編修黎騫檢討高詠檢討龍燮檢討邵吳遠侍講嚴

續孫檢討皆入史館纂修明史

湖南兵下寶慶 吳國貴等遁走永州將軍穆魯賊復
永州於是道州永明江華等縣賊俱遁 侯襲爵賊
楊金日等千山頭仔 夏四月旱 詔清理刑獄 己卯
旱甚

上步禱郊壇應時大雨 命希福帥師會莽依圖定雲南
師次潯州府逆賊吳世琮遁 撤勒爾錦還荊州與巴
爾布定巴東 五月劉國軒犯江東橋將軍賴塔擊走之
詔內閣學士徐元文翰林院掌院學士葉方霽右庶子

張玉書等修明史 六月詔圖海與各路將軍亟殲寶雞

賊恢復漢興以平蜀 是夏廣西湖南平 七月淮陽瞿

家埧工成山陽寶應高郵江都四州縣河西諸湖涸出者

招民田之 將軍覺羅舒恕額楚總兵譚昇楊國泰敗吳

世琮于南寧之西山世琮負創遁走 庚申京師地震

詔部院三品以上官及科道在外督撫等官言政治得失

發內帑金十萬兩賑軍民廬舍傾圮及死傷者 八月

將軍穆占師赴新寧 將軍傅宏烈復柳城融縣桂柳路

通 馬雄子承蔭來歸 詔授伯爵佩將軍印從征 將

軍林與珠提督趙國祚擊吳國貴于武岡復其城吳國
貴中砲死 九月定錢制釐鼓鑄弊 以地震

上親禱天壇 命簡親王帥師守桂林希福會恭依圖進
師雲南 金光祖執祖澤清械送京師 十月王進寶克

武關尋復鳳縣 趙良棟進取兩當連賊眾復其城 十

一月王進寶入雞頭關 賊將王屏藩廣元遂復漢中府

趙良棟復畧陽尋復陽平關 十二月以蔡毓榮爲綏

遠將軍進定雲貴周有德趙賴等俱聽節制 甲子太和

殿災肆赦 前鋒統領佛尼勒吳丹克梁河關僞將軍韓

晉卿遁入四川遂復興安州平利紫陽石泉漢陰洵陽白
河及湖廣竹山竹溪上津諸縣以次底定 命傅宏烈帥
師赴滇黔

東華錄卷之十一終

東華錄卷之十二

湘源蔣良騏千之父

康熙十九年正月趙良棟與王進寶分道進師連挫賊衆于白水埧等處復龍安府 王進寶克朝天關遂復廣元縣 詔安親王岳樂班師 趙良棟至綿竹僞將軍汪文元僞巡撫張文德等迎降遂復成都 王進寶復保寧

二月詔順承郡王勒爾錦等取重慶吳丹鄂克濟哈會趙良棟取雲南楊茂勲王之鼎守城都王進寶守四川徐治都守彝陵 荊州總兵官楊宗道拔昭化縣遂復劍州

祖澤清及子祖良梗皆伏誅 王進寶吳丹遣將軍佛尼
勒總兵王朝海率兵取順慶招撫鹽亭潼川中江南部諸
州縣悉下之順慶僞知府彭天壽等降于是長蓬廣安合
西充岳池營山渠隣水儀隴遂寧蓬溪諸州縣相繼悉定
詔簡親王帥師屯柳州尙之信守貴溪縣莽依圖馬承
蔭馬九玉金光祖各帥師分道進取雲貴 提督徐治都
楊茂勲大敗川賊楊來嘉擒僞將軍王鳳岐等復巫山縣
乘勝取夔州 徐治都至巫山再敗楊來嘉遂復夔州譚
宏降 楊茂勲遣兵克大昌大寧二縣 裁鄖陽府治

福建水師營提督萬正色請以水師攻海壇而令吳興祚
赴同安與姚啟聖督陸路兵窺取廈門正色尋分前鋒兵
爲六隊逼海壇親統巨艦繼之又以輕舟繞出左右並力
攻以巨炮擊破賊船十六溺死賊三千餘賊悉潰僞將朱
天貴遁據南日湄州等澳 二月萬正色追擊至平海澳
與吳興祚師會天貴糾僞將軍林陞據崇武澳正色葉鳳
自平海南下賊迎拒掩擊之破斬僞總兵吳內僞副將林
勳湄州南日平海崇武諸澳悉下天貴降副都統沃申擊
賊將張志于大定小定連敗之我兵水陸並進趨于所劉

國軒走厦門僞總兵蘇堪以海澄降姚啟聖亦分遣總兵
趙得壽黃大來等隨賴塔擊陳洲馬州灣腰山等處青山展
旗諸寨吳興祚同喇哈達等由同安追勦至漳屬遂克厦
門金門餘寇遁還臺灣 三月建威將軍吳丹率師至重
慶僞文武官迎降達州東鄉太平新寧南江安岳等州縣
悉定楊來嘉乞降 安親王岳樂師旋

車駕駐蘆溝橋行郊勞禮 馬承蔭復叛于郴州龔傳宏
烈軍命都統夸札帥師與平南王等協剿 平南將軍賴
塔克銅山 命賴塔守潮州以備馬承蔭 鄭錦將朱天

賈自海壇遁萬正色敗之于平海澳遂克湄州南日平海
崇武諸澳 康親王窺取玉州賊首劉國軒走廈門偽總
兵蘇堪迎降遂復玉州石馬海澄 福建總督姚啟聖總
兵趙得壽黃大來將軍賴塔分兵攻陳洲馬洲埕腰山觀
音山展旂等十九寨皆破之 福建巡撫吳進祚將軍喇
哈達總兵王英等擊朱天貴于廈門賊潰遂遣將取金門
貝勒察尼下辰龍關 蔡毓榮復銅仁府及瀘溪縣
麻陽三縣 董衛國率兵破鴨鑾黃茅等嶺進勦靖州賊
吳都統穆占會追敗偽將軍吳應麟等復沅州 左都

吏徐元文疏言逆藩吳三桂甘心反叛遺孽旦夕俱發凡
脅從之衆恩許自新者仍留本土既非永久之規而移調
他方亦多遷徙之費統以別將則疑情未化終涉危懼
之歸旂則放恣既久猝難檢束請以應補職及入伍者與
綠旗將弁一例錄用餘俱分遣爲民從之 吏科給事中
張鵬疏言旗人雜納等從江南等處誘販男婦五十八人
請嚴究夥党按律治罪下九卿等議行 四月旱 詔錄
囚 都統穆占總督董衛國敗僞將軍吳應麒等復沅州
靖州及黎平府 五月以旱 詔九卿詹事科道等官言

事 定遠大將貝子章泰克沅州 簡親王金光祖恭依
依圖合師討馬承蔭自維容進取柳州承蔭復降令內閣
學士薩慕哈押解來京 六月復思南府 七月停加捐
官考選科道 解順承郡王大將軍印撤回京 八月將
軍莽依圖卒于軍以都統貝勒代之 尙之信藩下兵鼓
譟逃亡

上諭兵部前因尙之信屬員張永祥等首尙之信諸不法
事朕欲明其虛實故令之信來京諸官兵何嫌何疑以致
逃避其令將軍賴塔等宣布此意咸使聞知 先是吳三

桂反之信迫其父可喜以賊可喜卧疾弗能制憤甚自縊
左右解之甦旋卒之信遂降賊及歸正仍懷兩端甚至希
邀異數毀訕乘輿於是藩下人張永祥張士選來京告其
不法事之信母舒氏胡氏都統王國棟亦相繼疏列其罪
上遭刑部侍郎宜昌阿與王國棟謀執之信于武宣之信
旋具疏辨

上不忍遽置法命來京對簿之信弟之節等陰糾黨羽誘
殺王國棟欲爲亂將軍賴塔率兵圍之之節等就擒而舒
氏胡氏復飾言之信無謀叛跡前告變疏皆國棟等僞爲

事下王大臣集議賜之信死逆党之節暨李天植等悉正法詔送之信家屬詣京師並察廣東大小市利爲尙之信占奪者悉還之民閏八月河決山陽九月大將軍章泰將軍蔡毓榮等分兵進取貴州命廣西四川諸將帥師會勦譚宏復叛瀘嫩永寧俱陷賊薨民亦變

上命將軍噶爾漢都統范達禮提督徐治都等率師赴薨州與貝子準塔分道攻之以賴塔爲大將軍率師定雲南將軍吳丹還瀘州詔將軍王進寶馳赴保寧兼守漢中十月彗星見于翼廣西兵復大河縣仁懷失守

罷將軍吳丹以鄂克濟哈領其眾 叛將譚宏彭時亨陷
涪州命總督哈占帥師赴保寧討譚宏 復巫山縣 康
親王傑書師旋

上郊勞之 大將軍貝子章泰征南將軍穆占綏遠將軍
蔡毓榮敗吳世璠之眾于鎮遠復其城 將軍噶爾漢自
巫山進復夔州又擊譚宏將于錯於開峽大敗之 十一
月丙辰朔彗星見西方辛酉白氣見西方 貝子章泰進
復平越遂抵桂楊世璠及劉國炳吳應騏等夜遁 傅宏
烈陷賊不屈死之 鄂克濟哈復瀘州 以佛尼勒爲建

威將軍會哈古定四川 總兵高孟敗彭時亨于南溪橋
復營山縣進取羅石橋大敗賊眾復圍之靈鷲寨斬其僞
將魏仰武 提督周卜世復思南府 刑部等議覆大將
軍圖海拿解來京之僞朱三卽楊起隆又名朱慈瑞與康
熙十二年拿禁之楊起隆妻馬氏及原夥鄭得勝等並不
認識且面有刺字疤痕明係旂下逃人人楊起隆夥知其
緣由遂假借楊起隆之名于陝西造反應照例凌遲處死
其馬氏等仍監禁候緝獲楊起隆另結從之 十二月譚
宏犯夔州 高孟復渠縣 提督桑義等大敗吳世璠于

永寧州復其城追至鐵索橋賊焚橋遁 將軍饒一龍

等以慶遠降高孟復廣安州

康熙二十年正月前貴州提督李本深及文武官降械李

本深送之京師 總兵高孟復達州 叛將譚宏死將軍

噶爾漢進敗賊眾于雲陽擒賊將向旭輝等復其城譚宏

子天秘遁萬開建始梁川忠州悉平 廣西大桂山賊黃

明降 將軍穆占提督趙賴等擊吳世璠僞將高啟隆夏

國相等于平遠走之僞將王會降復平遠府 詔增日講

官員數 海賊鄭錦死其党馮錫範奉其次子鄭克塽襲

爲延平王其長子克塽被縊死 二月大將軍貝子章泰
師至安南衛僞將軍線絨據江西坡總兵曰成功進至沙
子哨賊列陣驅象拒戰官兵分三隊奮擊大破之賊夜遁
越五日副都統龔奏圖達漢等復自臘茹坡追擊敗之復
新興縣普安州二城 副都統莽奕祿遊擊王成功以兵
四千敗賊張足法于三山賊遁高家橋又敗之斬首千餘
級 將軍賴塔師至曲靖府僞總兵尹士元等降遂遣偏
師取交水城斷賊中路僞將軍線絨等遁走 高孟復東
鄉縣又敗彭時亨于月城寨 都統希福馬楫復馬龍州

易隆所其明日復楊林城前鋒碩塔至高明賊遁是夜渾
水營屯賊亦遁子章泰將軍碩塔蔡毓榮等兵先後至
雲南營于歸化寺復大定府擒偽巡撫張維堅斬之
復五龍縣世璠遣偽將胡國柄等率衆拒戰官兵分擊
大敗之斬國柄及劉起隆三月胡國柱犯寶坻入溪口
將軍佛尼勒人破之復馬湖府提督周卜世復遵義府
馬寶升城走復犯瀘潞二州詔噶爾漢土用予赴徽州
勦之慶陽賊耿飛稱王設偽官職詔圖海張勇孫思
克等遣兵討之偽將軍宋國輔陸道清以永寧城降

大兵逼雲南掘壕圍之世璠嬰城死守密召蜀中賊將馬
寶胡國柱夏國相等歸援 詔大將軍佛尼勒趙良棟與
噶爾漢等各統兵襲擊 四月王用子復納漢江安仁懷
合江 偽將軍韓天福以武定府降 大理府爲大將軍
張國柱及臨安永順鎮姚安府諸偽官各率所屬降 海
賊楊二犯瓊州 總兵蔡章督舟師擊敗之焚賊船一百
三千餘艘賊遁 五月提督周卜世遣總兵李師膺等取
遵議僞知府金仕俊僞知縣吳逢聖相繼來降遂復真安
州及仁懷綏陽桐梓等縣 慶陽土寇耿飛降

上諭廷臣曰何可喜當閣城皆叛獨矢志不移臨歿猶被服

太宗文皇帝所賜朝衣言死後必葬于海城魂魄有知仍事

先帝其忠誠之心始終無二今尙之孝往迎柁骨俟至德州卽以奏聞尋奏輿至丁字沽道內大臣學士侍衛各一員往奠

諭曰王素篤忠貞人盡如王天下安得有事朕念王至老懷誠克殫忠盡殊傷悼之賜白金八千兩葬海城立碑墓

道詔以可喜昔年海城田宅賜其第七子之隆設佐領二
以其一爲可喜守墓授之隆領侍衛內大臣 貝子章泰
兵抵雲南僞將軍李發美以鶴慶麗江二府州降 六月
遣員外穆稱額蘇赫往大同賑荒諭之曰前尔等奏飢民
因賑濟又得雨澤不至流離頃朕遣人往視人民流亡如
故雨澤猶然未降則賑濟尙未得遍及矣尔毋自護前非
朕知之最悉今往賑濟務使飢民得遂其生其作何區畫
拯救仍與巡撫確議以聞 楚雄府僞將軍陳光祿等復
叛 詔將軍穆占仍留雲南署前鋒統領薩克察巴圖魯

率所部會勦署副都統諾敏率所部協守貴州副都統莫達鎮常德 七月都統希福提督桑義追賊馬寶于烏木山殲其眾馬寶僅以身免 總兵李芳述敗賊胡國柱于建昌復其城 偽將軍馬寶巴養元等降命俱械送京師詔圖海鄂克濟哈還京師留將軍吳丹守漢中王輔臣隨圖海詣闕 宴大學士以下員外郎以上官於瀛臺 命內大臣佟國維宣諭慰勞仍賜綵帛

上以台灣賊眾內亂仍以施琅爲福建水師提督與將軍總督等統舟師進取澎湖台灣改萬正色爲陸路提督諸

邁還京師 八月辛巳朔日有食之 詔總兵哈占率兵

還四州撤漢中荊州南寧滿兵還京莫達等守貴陽諸敏

駐沅州 九月僞將軍馬寶伏誅 十月偏沅巡撫韓世

琦與總兵官和山盧崇耀敗世璘將黃明于古州八萬猛

撫遠大將軍都統大學士公圖海還朝 十一月詔失

節從賊諸臣如馬寶夏國相胡國柱王永清趙國佐等大

惡不赦外餘俱落職放回鄉里 王師進圍雲南城千城

東歸化城列營西亘雞關賊負固抗拒數月不下趙良棟

至連破賊壘奪土橋新橋至得勝橋先薄城諸軍繼之賊

不能抗吳世璠自殺

詔戮其屍傳首京師

偽相圖方

光琛等伏誅陰党悉降雲南平羣臣朝賀于乾清門召

固山貝子章泰總督趙良棟赴闕

十二月羣臣請上尊

號不許

補行廣西鄉試

加上

太皇太后昭聖慈壽恭簡安懿章慶敦惠溫莊康和仁宣

宏靖尊號

皇太后仁憲恪順誠惠純淑端禧尊號

御門受賀頒詔天下賚宗室及外藩子內外官封贈廣解

額舉隱逸旌節孝卹孤獨罪非常不原者悉赦除

康熙二十一年正月十四日

上御乾清門宴內閣大學士學士各部院等堂官翰林學士講讀及日講編檢詹事坊局科道掌印官九十三員特勅羣臣懽忭暢飲笑語無禁宴畢復命近御座前觀燈更賜卮酒霑醉者令內官扶掖而行明日御製昇平喜宴詩序及首唱麗日和風被萬方句羣臣集太和殿下倣柏梁體以次各呈詩九十三韻分發與三桂骸骨於各省吳世璠首級交與刑部懸掛示眾逆党夏國相凌遲巴養元等五人斬梟示眾耿精忠凌遲梟示其子耿顯祚處斬徐

文耀王世瑜白顯忠江元勳曾養性王振邦蔣得軫劉進忠俱凌遲進忠梟示黃國瑞林芳蓀廖庭雲李似桂夏季旺呂應斗武浩司定猷施偉郭景汾羅萬里祖宏勳陳儀陳斌呂入俱處斬田起蛟金鏡李學詩陳夢雷俱從寬免死 裁江西總督缺併歸江南 戶部覆廣西撫郝洛言粵西地丁錢糧每銀二兩折收米一石原係一時權宜之計今二省之運旣停八旗之兵又撤請將康熙二十一年分折征米石照舊征銀從之 磔從逆貴州提督李本深于市子李象乾李象坤孫李濟祥李濟民並立斬 二月

九卿等議覆翰林院侍講王鴻緒疏恭奉人朱方旦自號
二眉道人陽托修煉之名陰挾欺世之術廣招黨羽私刻
秘書其書有曰古號爲聖賢者安知中道中道在我山根
之上兩眉之間其徒互相標榜有顧齊宏者曰古之尼山
今之眉山也陸光旭則曰孔子後二千二百餘年而有吾
師眉山夫子朱程精理而不精數大儒之用小老莊言道
而不言功神仙之術虛等語皆刊書流布蠱惑庸愚侮慢
先聖乞正典刑以維世道經湖廣總督王新命審實具題
朱方旦詭立邪說妄言休咎煽惑愚民誣罔悖逆應立新

顧齊宏陸光旭翟鳳彩甘稱弟子造刻邪書俱斬監候從
之 宗人府題閒散宗室勒爾錦贈朱方旦至人里聖人
堂匾額原任巡撫張朝珍贈聖教帝師匾額應行文查明
上諭曰此事毋庸行查前勒爾錦領兵在荊州時朕已聞
此事曾諭云朱方旦係狂妄小人軍機大事萬不可聽其
蠱惑又往秦路經武昌張朝珍語之云朱方旦果一奇異
神人尔宜相會由此觀之所贈匾額是真尋議勒爾錦見
在羈禁毋庸議張朝珍已經病故革所子世襲官 癸巳
上以雲南底定躬詣盛京

陵廕告祭是日啟行 外藩王貝勒等請上尊號不許

五月辛亥

上回京 御書清慎勤三大字頒發各督撫 彭時亨譚
天祕皆凌遲梟示 侯補布政使崔維雅進所輯河防芻
議及兩河治畧二書

上命勘閩河工大臣將伊帶往會同總河勒輔確議具奏
福建將軍馬九玉疏請罷職 旨馬九玉于耿精忠叛
時曾哭勸再三歸正又甚効力非他人可比着以原官來
京 順天府丞張鵬疏言學宮旁爲廟黃旂都統聽事人

所據穿宮垣往來逼近奎樓掘坎取土勢漸傾圯請嚴禁
得旨儒學文廟關係文治理宜肅清乃令聽事及居住
人等穢汚侵佔殊屬不合向來設管各宮並未糾察張鵬
濫任卽行陳奏具見實心任事可嘉著嚴行禁止六月
諭部院諸臣朕因天氣炎熱移駐瀛臺今幸天下少安四
方無事然每日傍晨御門聽政未嘗暫輟卿等各勤職掌
時來啟奏曾記宋史所載賜諸臣於後苑賞花釣魚傳爲
美談今於橋畔縣設督網以待卿等遊釣可於奏事之暇
各就水次舉網得魚隨其大小多寡攜歸邸舍以見朕一

體無適之意誰謂東方曼情割肉之事不可見於今日也
特諭以早諭諸臣會議應行應革事宜請清理刑獄勅
刑部督捕督撫等應結事件速行結案及暫釋江西吉安
出征官拘禁因螺子山對敵退回者從之翰林院掌院
學士陳廷敬撰擬樂章十四章進呈旨該衙門敬慎肄
習七月己巳彗星見井宿度尾長二尺有餘八月左
都御史徐旭齡疏言國家省事莫如省官康熙元年以各
省監司浮于郡守酌議冗官盡去自十三年變亂添設巡
守道二十七員今天下承平多一衙門卽多一供應請將

十三年後所添道員或裁巡歸守或併守歸巡或守巡全裁亦息事寧人之道也勅九卿議行 九月以興建太和殿命郎中等往江南江西浙江福建廣東廣西湖廣四川等處採辦楠木 施琅請簡水師二萬戰艦三百獨任討賊又言不破澎湖台灣斷無取理臣請先取澎湖督臣留廈門濟餉允之

太宗文皇帝實錄告成 十月貝子章泰都統賴塔圖雲南凱旋

上郊勞趙盧溝橋駐蹕行抱見禮 十一月九卿會議尚

書伊桑阿查勘河工一疏得 旨勒輔仍着革職戴罪督
修又修築各官俱革職戴罪監修勒限將滿家渡決口堵
塞但河工關係重大所需錢糧浩繁若責令賠修恐致貽
誤仍准動用錢糧毋得借端科派擾累小民 是歲人丁
戶口一千九百四十三萬一千七百五十三田地山場陸
地五百五十二萬三千五百六十八頃八十四畝有奇征
銀二千六百三十三萬一千六百五十八兩有奇米豆麥
六百三十四萬一千三百九十四石八斗有奇草二百二
十九萬八千一百六十三束茶十五萬九千二百一十五

計行鹽四百三十五萬六千一百五十引征課銀二百七十六萬一千二百五十八兩有奇鑄錢二萬九千四百八十五萬一千四百八十有奇

康熙二十二年二月奉 旨張國柱高起隆俱行處斬停其示眾張足法吳起豐王會從寬免死着交內務府入旗紅本

四月鑾儀使趙良棟疏言臣于康熙十八年四月疏請進兵不十日而取徽州十一月疏請兩路進兵不十日而取成都奉有

上諭趙良棟若不克取成都保寧如何而得若不得保寧

成都如何而守而部議保寧一路官兵功加十等成都一路官兵功加一等若是懸殊伏乞照例議敘又言臣于康熙二十年九月抵滇在總督金光祖營內會議令臣進重關下營取得勝橋朔日章泰改令蔡毓榮取得勝橋而蔡毓榮之兵在重關已十四日未能取橋二十日又公議令臣破南垣之賊取雙塔臣于二十二夜破南垣奪玉皇閣安營二十五夜奪新橋等處賊見我兵扼吭人心始亂郭壯圖自縊吳世璠自盡二十九日城開此臣親率官兵不三日而奏捷者也今蔡毓榮官兵議敘加十三等而臣屬

下官兵直入取城竟未議敘乞飭部查敘奉

旨着王大臣會議尋議趙良棟因不急救建昌以致陷賊
功罪相抵無庸議敘其標下官兵仍議敘從之 六月
先是劉國軒貽書總督姚啟聖請如琉球諸國例稱臣入
貢啟聖以聞

上不許趙琅進兵時國軒擁衆二萬餘據守澎湖甚堅至
是施琅軍發銅山又八章與乘南潮攻澎湖斬僞將軍沈
誠等七十餘復以大鳥船五十六分八隊奮擊沉其船二
百斬僞官三百餘兵萬餘國軒乘小舟由吼門竄去餘衆

悉降 七月吏部題查正一真人從無賜卹致祭之例應
不准行其恩詔誥命應如所請 旨張繼宗見號真人卽
着照所襲銜名給與誥命一切僧道原不可過于優崇若
一時優崇日後漸加縱肆或別致妄爲尔等識之 海逆
鄭克塽遣僞官鄭平英等齎降表至施琅軍前請降琅請
頒赦招撫

上勅諭鄭克塽劉國軒馮錫範等曰帝王撫御寰區仁覆
無外卽海隅日出之邦無不欲其咸登衽席共樂昇平尔
祖父自明季以來出沒海洋盤踞島嶼本朝定閩後尔祖

鄭成功竊據海隅廿外王化以及尔父鄭編勾引奸徒窺
伺內地屢經勦撫頑梗怙終尔方童穉妄思効尔前人竄
伏台灣恃爲窟穴倚險負固飄突靡常以致沿海居民時
遭兵燹朕念中外兵民皆吾赤子何忍聽其久罹水火故
特命提督施琅選將練兵出洋進勦旋奏報澎湖已克台
灣指日蕩平總督姚啟聖以尔等降疏奏聞又據來使呈
乞恩赦朕休

上天好生之心特頒勅旨前往開諭尔等果能悔罪投誠
率所屬僞官軍民人等悉行登岸將前罪盡行赦免仍加

恩安插務令得所不等其審圖順逆善計保全以副朕宥
罪施仁至意 八月施琅題報七月十五日鄭克塽遣偽
官馮錫珪等齎降表詣軍前請繳偽冊印率衆登岸安札
臣隨遣官持榜曉諭兵民驗視薙髮至台灣地方千餘里
戶口數十萬或奔或守伏候

上裁又奏臣于八月十一日自澎湖進發十三日入鹿耳
門至台灣十八日鄭克塽及偽武平侯劉國軒偽忠臣伯
馮錫範及偽文武官俱薙髮收偽延平王金印一招討大
將軍金印一公侯伯將軍銀印五枚克塽公爵隸漢軍正

紅旂所有成功子鄭聰等六人克塽弟克舉等九人俱爲
平侯劉國軒等子弟俱陸續移入內地尋加施琅靖海將
軍封靖海侯世襲罔替 十月羣臣以海寇平請上尊號
不許 祭酒王士正請修補國學所藏十三經注疏二十
一史刻板及飭督撫查明南監板令學臣收貯儒學尊經
閣從之 壬寅山西太原府地震命尙書薩穆哈往勘被
傷人數確議拯救以聞 乾清宮進講畢
上問理學之名始於宋否張玉書奏道理具在人心宋儒
講辨加詳耳

上曰日用常行無非此理自有理學名目彼此辨論朕見
言行不符者正多矣終日講理學而所行全與其言相謬
豈得謂之理學乎若口雖不講而行事自然脗合此卽真
理學也 廷議前綏遠將軍湖廣督蔡毓榮劾前江西督
卞衛國不聽調度貽誤軍机而衛國有平鎮遠功請免議
上諭軍衛國遵朕指授勦定賊寇恢復鎮遠實爲可嘉蔡
毓榮勞績遠出其下且二人敵忾大臣無所調度例以妬
功故陷人重罰著將蔡毓榮降五級調用 先是御史蔣
伊劾衛國縱兵俘掠至是江西總督于成龍疏辯時衛國

入觀

上諭曰尔在外二十餘年地方事宜知之已悉前此用兵之際未免騷擾閭閻今天下承平當思休養民力至于興革利弊尤在嚴飭所屬實力奉行尔前有勞績朕罔不知母畏人言勉圖後効 九卿會推道員王珍胡惠寧爲湖北按察使

上以二人才具平庸詰問覆奏左都御史徐元文倡舉下部議徐元文降三級調用 議政大臣等議穆成額藤縣失機不能禦賊且不收陣亡士卒骸骨應革職籍沒編入

內務府佐領得 旨免其編隸餘依議 勒輔疏報肅家
渡工成河歸故道請修七里溝險汎天妃堤王公堤等間
座又請增開封歸德堤工以防上流壅滯

上諭河道關係國計民生最爲緊要今聞河流得歸故道
深爲可喜以後益宜嚴飭勿致疎防 楚民胡朝勲許世
杰等以四川巡撫張德地局霸部民爲僕勒寫身契控部
經部訛德地巡撫四川時借招民爲由將胡朝勲等招到
四川卽以所給路費作爲身價發知府吳應熊勒寫文契
藩司劉顯貴用印房實應議罪因事在赦前 旨免議

東華錄卷之二終